



**Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

17. Postquam nudus ad Christi nudi Crucem in Religione sacrâ confugit,  
semper est tenerrimo affectu erga Patientis, & in Cruce morientis Domini  
Mysteria, Claudius Aquaviva, Italus.

---

---

**Nutzungsbedingungen**

[urn:nbn:de:hbz:466:1-55449](#)

VII.

AMATOR CRVCIFIXI

Postquam nudus ad Christi nudi Cru-  
cem in Religionē sacrā confugit, sem-  
per est tenerrimo affectu erga Patien-  
tis, & in Cruce morientis Domini  
Mysteria.

**C**LAVDIUS AQVAVIA natione Ita-  
lus, patriā Neapolitanus, filius Du-  
cis Atrij, posteā Societatis IESV Præpo-  
situs Generalis V. in ipso ætatis flore  
xxv. annos natus, cūm politioribus lit-  
teris esset exultus, & Sanctorum Pa-  
trum lectione instructus, ac Pio V. Pon-  
tifici Max. à Cubiculo gratissimus, res  
suas seculum habere jussit, & omnia  
illius ornamenta (quæ propter summam  
Claudii nobilitatem, modestiam, inge-  
nium, gratiam ipsi non dubiā spe pro-  
ponebantur) tanquam sterlus arbitra-  
tus, nudus ad CHRISTI NUDI CRUCEM  
confugit.

17.

CLAVDIUS  
AQVAVI-  
A Italus.

Tantus exinde CRVCIFIXI AMATOR,  
illis etiam xxxiv. annis, quibus Socie-  
tatem universam rexit, ut omnia illius  
dilectioni postponeret. Ferebatur au-  
tem mollissimo affectu erga CHRISTI  
Salvatoris dirissima pro nobis PASSI

Humanitatem, Vitæ ejus, MORTISQUE  
Mysteria, eaque modis omnibus reco-  
lebat. Celebravit eadem Oratione af-  
fectuum flammulis plenissimâ, quum de  
salutari CHRISTI Morte, quam Ma-  
gnum pietatis Sacramentum vocabat,  
diceret coram Gregorio XIII. P. M.  
quæ hodieque cum fructu legitur. Visus  
aliquando à S. Philippo Neri est mul-  
to lumine coruscare. Ab alijs totam in-  
ter orandum semi-horam sublimis pe-  
dere est conspectus.

Cum verò sibi periculum extremo in  
morbo imminere præsensit, animo vul-  
tuque, præter solitum, sereno, GRA-  
TIAS DEO, inquit, qui facit de tenebris  
lumen splendescere, & de morte vitam  
suavissimè rependit. Mox ad Robertum  
Cardinalem Bellarminum, qui mortem  
illi denunciarat imminentem, conver-  
sus: Mori, ait, non timeo, nec vivere  
erubesco, quia bonum Dominum habe-  
mus. Sacramentis deinde recreatus, &  
acceptâ à CHRISTI Vicario benedictio-  
ne, qui magni Viri jacturam ab Eccle-  
siâ fieri dicebat, dcessit, die xxxi. Ia-  
nuarij Anno M. DC. XV. Ætatis LXXII.

*Imago primi Seculi lib. 2. pag. 107. lib. 1. 170.*  
*Biblioteca Societas.*